

IV CONVOCATORIA PARA O PROFESORADO DA UDC PARA FORMAR PARTE DOS COMITÉS DE AVALIACIÓN DOCENTE (PROGRAMA DOCENTIA)

A Universidade da Coruña publica a IV convocatoria para seleccionar entre o profesorado da UDC os membros do profesorado que formarán parte dos Comités de Avaliación Docente (CAD) dentro do Programa Docentia da UDC para a avaliación da actividade docente do seu profesorado:

PRAZAS QUE SE CONVOCAN

- 2 prazas para o CAD da rama de Artes e Humanidades
- 2 prazas para o CAD da rama de Ciencias
- 2 prazas para o CAD da Rama de Ciencias da Saúde
- 2 prazas para o CAD da Rama de Ciencias Sociais e Xurídicas
- 2 prazas para o CAD da Rama de Enxeñaría e Arquitectura

FUNCIÓNS E RESPONSABILIDADES DOS COMITÉS DE AVALIACIÓN DOCENTE (CAD)

- Valorar o conxunto das actividades docentes que realiza cada profesor/a baseándose na información recollida mediante os métodos e técnicas especificados no procedemento de avaliación.
- Realizar un informe individual sobre a actividade docente de cada profesor/a. Este informe debe incluír accións de mellora (actividades de formación, innovación, cumprimento de obxectivos concretos etc.) para o profesorado avaliado.
- Asistir á reunión de consenso en que se elaborará o informe do CAD de cada profesor avaliado e se consensúan as accións de mellora que estes deben levar a cabo.
- Velar pola transparencia e o rigor do proceso, así como pola confidencialidade dos datos.
- Propoñerlle ao profesorado que obteña unha avaliación condicionada o plan de mellora que debe executar.
- Analizar e valorar as evidencias sobre a execución do plan de mellora que presente o profesorado que obtivo a valoración de avaliación condicionada.
- Emitir e enviarlle á CIU un informe motivado e consensuado por todos os membros do CAD sobre as reclamacións presentadas polo profesorado relativas aos resultados da avaliación da súa docencia.
- Propoñer melloras ao manual e ao procedemento de avaliación.

FORMALIZACIÓN DAS SOLICITUDES

O prazo de presentación de solicitudes é do **3 ao 14 de setembro de 2018**.

O profesorado interesado debe presentar a solicitude de participación na sede electrónica da UDC, no Rexistro Xeral da Universidade da Coruña (rúa Maestranza 9, 15001 A Coruña) ou nos rexistros auxiliares (Casa do Lagar, campus de Elviña e campus de Esteiro, rúa Dr. Vázquez Cabrera s/n, Esteiro, 15403 Ferrol) dirixida ao Sr. Reitor da UDC, de acordo co formulario que se xunta, antes das 14:30 h do día 14 de setembro de 2018.

Código Seguro De Verificación	oR1eIRX7ZwjZX10T9z+aHw==		
Asinado Por	Vicerr. de Oferta Académica e Innovación Docente Nancy Josefa Vázquez Veiga	Estado	Asinado
Observacións		Páxina	1/3
Url De Verificación	https://sede.udc.gal/services/validation/oR1eIRX7ZwjZX10T9z+aHw==		



CRITERIOS DE SELECCIÓN

No procedemento de selección teranse en conta os seguintes criterios:

- Criterio de calidade da súa actividade docente: profesorado permanente con, polo menos, 3 quinquenios e que xa fora avaliado satisfactoriamente mediante o Programa Docencia.
- Criterio de pluralidade: integrado por avaliadores/as de diferentes áreas de coñecemento.
- Criterio de xénero: procurarase que a composición entre homes e mulleres sexa equilibrada.
- Criterio de representatividade: diferentes categorías de profesorado dependendo do universo obxecto de avaliación.
- Criterio de experiencia en avaliación.

INCOMPATIBILIDADES

- En aplicación do que está disposto no artigo 23.2.a) da Lei 40/2015, do 1 de outubro, de réxime xurídico do sector público, o profesorado que sexa avaliador/a ao presentar a súa solicitude para ser avaliado/a entenderase que renuncia á súa condición de avaliador/a.
- Criterio de non coincidencia por formar parte doutros CAD.
- Criterio de incompatibilidade por cargo
- Criterio de participación nos CAD en anteriores convocatorias: non ter formado parte destes en máis de dúas convocatorias.

COMISIÓN DE SELECCIÓN

A selección do profesorado para formar parte dos Comités de Avaliación Docente será realizada pola Comisión Interna da Universidade (CIU) constituída por:

Presidente: Vicerreitora de Oferta Académica e Innovación Docente

Secretaria: Técnica da Unidade Técnica de Calidade (UTC) (que actuará con voz pero sen voto)

Vogais:

- Vicerreitor de Profesorado e Planificación Docente
- Directora da UTC
- Coordinadora da Comisión de Formación e Asesoramento
- Técnico responsable da avaliación docente no Servizo de Informática e Comunicacions
- Cinco docentes:
 - o 1 da rama de Artes e Humanidades
 - o 1 da rama de Ciencias da Saúde
 - o 1 da rama de Ciencias
 - o 1 da rama de Ciencias Sociais e Xurídicas
 - o 1 da rama de Enxeñaría e Arquitectura
- Dous estudantes:
- Un representante sindical do PDI

A relación de persoas que compoñen a dita Comisión pódese atopar na páxina web da Unidade Técnica de Calidade http://www.udc.es/utc/ferramentas_calidade/docencia/

Código Seguro De Verificación	oR1eIRX7ZwjZX10T9z+aHw==			Estado	Data e hora
Asinado Por	Vicerr. de Oferta Académica e Innovación Docente Nancy Josefina Vázquez Veiga			Asinado	30/07/2018 13:36:29
Observacións				Páxina	2/3
Url De Verificación	https://sede.udc.gal/services/validation/oR1eIRX7ZwjZX10T9z+aHw==				



PROCEDEMENTO DE SELECCIÓN

A CIU seleccionará os membros do profesorado dos CAD da propia universidade aplicando os criterios expostos anteriormente.

FASES DO PROCESO DE SELECCIÓN

1. As persoas interesadas presentarán as súas solicitudes segundo o establecido no punto relativo á formalización de solicitudes, onde mencionarán os seus datos en relación cos criterios de selección expostos nesta convocatoria.
2. A CIU seleccionará os membros dos CAD segundo os criterios establecidos anteriormente.
3. Antes do 21 de setembro de 2018, a CIU publicará, no Taboleiro Electrónico Oficial (TEO) e na páxina web da UTC a resolución provisional de persoas que foron admitidas e excluídas coa causa de exclusión por rama de coñecemento.

En caso de desconformidade coa resolución, o profesorado dispón de 10 días naturais para presentar unha reclamación perante a CIU, que contan a partir do día seguinte da publicación da resolución provisional.

4. A CIU atenderá as reclamacións que se presentaron e publicará, no Taboleiro Electrónico Oficial (TEO) e na páxina web da UTC, a resolución definitiva por rama de coñecemento e ordenada por titulares e suplentes.
5. A CIU remitiralle ao/á reitor/a da universidade a resolución definitiva para que proceda a nomear as persoas titulares. As suplentes poderán ser nomeadas para cubrir baixas ou incrementar o número de vogais dos CAD en función do número de profesorado que se avalíe.

CONSECUENCIAS DA PARTICIPACIÓN NOS COMITÉS DE AVALIACIÓN DOCENTE

Os membros dos CAD serán retribuídos de acordo cos criterios acordados entre a ACSUG e a UDC.

INFORMACIÓN SOBRE O PROGRAMA DOCENTIA

As persoas interesadas poden solicitar información por correo electrónico no enderezo docentia@udc.es ou nas extensións telefónicas 1052/1063.

O documento íntegro do Programa Docentia está publicado na páxina web:

http://www.udc.es/utc/ferramentas_calidade/docentia

A Coruña, 27 de xullo de 2018

A presidenta da CIU

Nancy Vázquez Veiga

Código Seguro De Verificación	oR1eIRX7ZwjZX10T9z+aHw==			Estado	Data e hora
Asinado Por	Vicerr. de Oferta Académica e Innovación Docente Nancy Josefa Vázquez Veiga			Asinado	30/07/2018 13:36:29
Observacións				Páxina	3/3
Url De Verificación	https://sede.udc.gal/services/validation/oR1eIRX7ZwjZX10T9z+aHw==				



SOLICITUDE PARA O PROFESORADO DA UDC PARA FORMAR PARTE DOS COMITÉS DE AVALIACIÓN DOCENTE (PROGRAMA DOCENTIA)**APELIDOS E NOME****NIF****CATEGORÍA / CORPO****CENTRO****DEPARTAMENTO****ÁREA DE COÑECEMENTO****CORREO ELECTRÓNICO****RAMA DO COMITÉ DE AVALIACIÓN DOCENTE EN QUE SOLICITA PARTICIPAR**☐ ARTES E HUMANIDADES☐ CIENCIAS SOCIAIS E XURÍDICAS☐ CIENCIAS☐ ENXEÑARÍA E ARQUITECTURA☐ CIENCIAS DA SAÚDE**ANOS DE ANTIGÜIDADE NA UNIVERSIDADE (QUINQUENIOS RECOÑECIDOS):****FOI AVALIADO MEDIANTE O PROGRAMA DOCENTIA?****QUE RESULTADO ACADOU?****EXPERIENCIA EN ACTIVIDADES DE AVALIACIÓN E DE XESTIÓN** (Achegue a documentación a esta solicitude)**SOLICITA**

Participar como membro nos Comités de Avaliación Docente (Programa Docentia), de acordo cos criterios e o procedemento establecido nesta convocatoria e na edición vixente do Manual para a avaliación da actividade docente do profesorado da UDC.

.....,dede

Asdo.:

**SRA VICERREITORA DE OFERTA ACADÉMICA E INNOVACIÓN DOCENTE
PRESIDENTA DA CIU**